



Broj: 01 50-5-1335-1/2012
Banja Luka, 12-07 /2012. godine

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
САРАЈЕВО

PRIMLJENO: 16.07.2012

Organizacioni broj	Klasifikacioni broj	Redni broj	Broj priloga
01-50-1-15-29/12			

ПАРЛАМЕНТАРНА СКУПШТИНА БИХ
ПРЕДСТАВНИЧКИ ДОМ
САРАЈЕВО

PREDMET: Odgovor na poslaničko pitanje, *dostavlja se*
Veza: Vaš akt broj: 01/a-50-1-15-29/12 od 11.06.2012. godine

U vezi Vašeg akta broj i datum veze, kojim ste tražili da dostavimo odgovor na poslaničko pitanje poslanika Mirsada Mešića, postavljeno Upravi za indirektno oporezivanje BiH na 29. sjednici Predstavničkog doma Parlamentarne skupštine BiH, održanoj 07.06.2012. godine, isti Vam dostavljamo u prilogu.

Prilog:
-kao u tekstu

Dostaviti:

- ① Naslovu
2. 01/1
3. 02/4
4. a/a



DIREKTOR

Dr. Miro Džakula

Gospodin Mirsad Mešić poslanik u Predstavničkom domu Parlamentarne skupštine BiH na 29. sjednici Predstavničkog doma održanoj u Sarajevu dana 07.06.2012. godine postavio je slijedeća poslanička pitanja:

„1. Šta se dešava sa oduzetom robom u Upravi za indirektno oporezivanje BiH, koja je ograničenog roka trajanja?

2. Da li roba propada i postoji li kontrola njene ispravnosti odnosno aktivnosti na sprečavanju njenog propadanja?

3. Koliko je takve robe propalo u 2011. godini?"

Na postavljeno pitanje Uprava za indirektno/neizravno oporezivanje BiH daje slijedeći:

ODGOVOR

Postupanje s robom oduzetom u upravnom postupku odnosno u vezi s počinjenim prekršajem, bliže je propisano Odlukom o prodaji carinske robe ("Službeni glasnik BiH" br. 90/07 i 31/08-u daljem tekstu: Odluka) i Uputstvom o uništenju i ustupanju carinske robe (u daljem tekstu: Uputstvo).

Odlukom je u članu 4. i 5. propisano da se za pregled, procjenu vrijednosti i prodaju robe, kao i provjere da li su se stekli uvjeti za njenu prodaju, obrazuje komisija po nadležnim regionalnim centrima, koja je dužna provjeriti ispunjenost uvjeta za prodaju robe, stanje robe u pogledu vrste, kakvoće ili količine i o tome sačiniti zapisnik, a ukoliko se utvrdi da za određenu robu nisu ispunjeni uvjeti za prodaju ili da se stanje robe ne slaže sa podacima o robi i ispravama po kojim je roba oduzeta, zaplijenjena ili preuzeta, isto je dužna konstatirati u zapisniku.

Član 15. Odluke propisuje da se lako kvarljiva roba prodaje putem direktne prodaje. Direktna prodaja objavljuje se u roku od najmanje 24 sata prije prodaje, na oglasnoj ploči svih organizacionih jedinica regionalnog centra koji vrši prodaju i oglasnoj ploči Središnjeg ureda Uprave, a sam postupak prodaje lako kvarljive robe propisan je članom 19. Odluke.

Ona roba čije stanje zahtijeva uništenje, uništava se u skladu s odredbama Uputstva. Postupak uništenja, primjenom člana 4. Uputstva, pokreće se ili po zahtjevu vlasnika robe ili lica koje je robu uvezlo ili unijelo u carinsko područje BiH, odnosno njihovog ovlaštenog predstavnika, podnošenjem obavijesti u pisanom obliku, ili po zahtjevu nadležnih kontrolno-inspekcijskih organa. Izuzetno, kada to okolnosti zahtijevaju, a postupak za uništenje carinske robe nije pokrenulo neko od lica ili organa iz stava (1) i (2) tog člana, taj postupak može pokrenuti Uprava za indirektno oporezivanje (u daljnjem tekstu: UIO) po službenoj dužnosti. Član 15. Uputstva propisuje da kada Odsjek za pružanje usluga pri regionalom centru kod kojeg je smještena carinska roba koja može biti predmetom uništenja po službenoj dužnosti, utvrdi da su za istu (svu ili dio) ispunjeni uslovi za pokretanje postupka njenog uništenja po službenoj dužnosti, o tome će, bez odlaganja, obavijestiti Sektor za poslovne usluge i zatražiti saglasnost za njeno uništenje.

Postupanje s oduzetom robom prije njene prodaje, ustupanja ili uništenja proceduralno je propisano u više različitih propisa, kojima se obezbjeđuje takvo postupanje koje za cilj ima da očuva robu u nepromijenjenom obliku. U tom cilju UIO redovno kontroliše stanje robe u skladištima koja su u njenoj nadležnosti, te se može potvrditi da nije bilo nemarnog odnosa prema istoj.

Prema evidenciji koja se vodi u UIO za uništenu robu po grupama roba, u toku 2011. godini uništeno je lako kvarljive robe, uglavnom prehrambenih proizvoda, u ukupnoj procijenjenoj vrijednosti 4.665,60 KM.